
ДАРОМАД ОЛИШГА ОИД ЯРАТИБ БЕРИЛГАН ШАРТ ВА ШАРОИТЛАР ҲАР БИРИМИЗНИ ХАЙРИХОҲ БЎЛИШГА ЧОРЛАЙДИ

Даромад олишга оид яратиб берилган шарт ва шароитлар ҳар биримизни хайрихоҳ бўлишга чорлайди

Қалъача маҳалла фуқаролар йиғинидаги Жавпая массивида барпо этилган янги ўрикзор қатор ораларига зироатлар экиш юзасидан массивга бириктирилган раҳбарлар томонидан амалий ишлар олиб борилмоқда. Вилоят ҳокимининг охириги ташрифи чоғида ишларни тизимли ташкил этиш бўйича вазифа олган раҳбарлар кўрсатмалар ижросини сифатли таъминлашга астойдил киришган.

Сўх тумани прокурори Садирали Мирзокаримовнинг маълумотига кўра, бугун Жавпая массивида 112 та лот эгалари билан амалий семинар ўтказилди. Семинарда ҳар бир фуқарога мутахассислар томонидан кўчатлар ораларини тозалаш ва қатор ораларига ошқовоқ экиш тартиби тушунтирилди.

Шунингдек, янги боғбонларга уруғларни экиш схемаси ва уларни озиклантириш тартиби ҳам атрофлича тушунтирилди. Экиш учун олиб келинган 50 килограмм ошқовоқ уруғи тарқатилиб, 8 гектар ер майдонига белгиланган тартибда экилиши таъминланди.

Туман ҳокими назоратида олиб борилаётган ишларда ҳудудлар бешлиги ҳам астойдил ҳаракат қилишаётир. Туман ҳокими биринчи ўринбосари Илҳомжон Тожибоевнинг маълумотига кўра, вилоят ҳокими кўмаги билан Жавпаянинг иссиқхоналар ҳудудига суғориш суви тортиш ишлари жадаллик билан олиб борилмоқда.

Дарҳақиқат, айти кунда Жавпаяда меҳнат қилиш ва астойдил ҳаракат қилиш палласи авж олиши лозим. Берилган имконият ва шароитдан самарали фойдаланиш мақсади бор одам бугун шукроналик ва хайрихоҳлик билан чиқиб меҳнат қилиши шарт ва зарур.

Сўх тумани ҳокимлиги Ахборот хизмати

[Бизни ижтимоий тармоқларда кузатинг Facebook | Telegram | Telegram murojaat | Youtube | Instagram](#)

2023-05-26 19:58:35